

民國二十六年

# 榴江縣志

吳國經著

地 340.145  
42

榴江縣志  
一九三七年

## 榴江縣志序

縣有志乘濫觴甚遠有明一代康對山撰武功志韓邦靖撰朝邑志已開編志先聲厥後鄭獻甫撰象州志言簡意賅爲海內學者稱清顏義宣撰遷江志體要賅括足與象志媲美凡此數者固已專美前修亦足爲編志者所當宗法焉本縣於民國十三年設治縣志尙無專書民國二十二年地方紳耆發起編輯榴江縣志嗣以材料蒐集不易進行頗緩民國二十三年度省頒施政計劃將修志事項列爲縣政工作之一於是縣志編輯主任蕭君梓植負責編輯並因省修志局採輯資料詳徵博引蒐墜拾廢歷數閱月而初稿告成二十五年六月經前任唐公文佐將志稿呈奉廣西省政府審核發還并飭修正付印業已遵辦完竣余公餘披讀不禁慨是書編成之匪易而嘆其剞劂之遲也然考乎縣志所以紀山川風俗物產疆域事蹟推而及於典章制度等項悉載於編蒐集缺遺博徵文獻上稽往古下逮今茲斬成一邑信史俾海內人士覽是書者藉以知其山川之險易風俗之淳澆物產之豐穡疆域之廣懋事蹟之存廢與及典章制度之興革等靡不纖毫畢備與民生國計習習相關尤敷政布化者之所當考鏡非徒紀一方之文獻昭一代之典制而已余不學無文奉長斯邑深幸是書成於此時特將始末叙於冊端以誌梗概時在

中華民國二十五年十月二十五日榴江縣縣長興業吳國經謹序

## 榴江縣志序

民紀二十三年暮春不佞奉署榴江邑篆下車伊始亟欲考查民情風俗文化物產以便設計施政遍詢  
邑中耆宿僉云尙無專書紀載夫榴江雖屬彈丸小邑原隸永福歷有年所泊民紀十三年始行劃分新  
設縣治其文化與桂柳平諸縣相頡頏其物產以桐茶蔗糖爲大宗雖通都大邑亦不過是惟其土地人  
物政事禮俗之紀載見諸永福舊志者類多缺焉弗備語焉弗詳爲之嘆惋者久之省政府二十三年度  
施政計劃將修志事項列爲縣政工作之一縣志之重要已可概見縣志之編輯誠不容緩爰召集紳耆  
鄧君介廷何君子章輩共策進行敦聘潘君波臣唐君性初郭君文允爲編輯員蕭君梓楨爲編輯主任  
蒐集遺聞博徵文獻復因省修志局採輯處之資料分門別類就簡刪繁凡四閱月而初稿告成復爲詳  
加釐訂條分縷晰綱舉目張縣志於是乎脫稿刊行從此人手一編瞭如指掌觀其利弊之所在因地制  
宜知所先後坐而言可以起而行而閩邑民衆藉此策勵亦各有自覺自治自給自衛之能力則是書之  
有造於榴江固不在今日之幸其成書尤在異日之收其效果也是爲序時

中華民國二十四年一月榴江縣縣長兼民團中校司令昭平材馨父姚幹丞謹序

## 榴江縣志叙

縣之有志所以紀山川之險易輪域之廣狹風俗之淳澆戶口之富庶使長斯土者披輿圖徵記載釐然而知因革損益之理以爲道齊移易之方是故志也者文獻之淵藪抑亦治化之嚆矢也榴江設縣未久政治之敷施典章之興廢或未足以資準繩故或曰蕞爾新邑可以無志不知古者世食其國事不師古君子猶譏其陋矧今民無常牧而爲治之要精誠貴貫徹始終非將往蹟前聞民情物理與夫整軍興學足賦弭亂諸大端摭拾而紀之於篇以備後來之參考殊失舊政告新之意也昔宋文公治郡輅軒所至必取該處圖籍瀏覽而研究之借資考鏡以爲觀風問俗之張本然則縣志不綦重歟余前奉委知縣事時即有志於斯而未逮民國二十一年桂林况公思淵來宰是邦召開縣政會議余乃以編輯縣志一事提付討論僉謂縣治之緣起歷時未久一切掌故雖田夫野叟尙覺耳熟能詳倘代遠年湮始從事於搜集恐傳聞失實不足以成一邑之信史矣宜亟編之爲得案經通過於是組織縣志編輯委員會票選余爲主任專事編纂越三閱月甫就緒仍未備也適省修志局飭各縣設置采輯處廣集志材由縣聘任胡君景儒于君宏懷及余三人爲采輯員事藏乃將采輯所得以供省志編訂之資因什襲其稿以作縣志編輯之用方擬廢續從事俾底於成而况公瓜代有期事遂中止二十三年昭平姚公幹丞繼其任下車伊始他務未遑於興學勸農而外即孜孜以完成是書爲己任增聘唐君本心潘君繼海郭君文允分類編輯余乃出什襲各稿刪繁補遺詳爲編纂越數月而告成姚公適調明江遂將志稿專案移交遷延年

餘篇頁幾歸粉蠹二十五年六月興安唐公文佐始將志稿呈奉省府審核飭付乎民生平所懷之願望日縈回於夢寐間者止此而已歷時五年其間因人事之變遷蒐集之困難中輟者屢殷殷企望得有今日余輒沾沾自喜雖撮零編於行篋徒騰口說之波收敗楮於沉灰難免耳食之誚然鈎沉索隱尙取法乎鬼董狐之直言墨取黃刪不敢掇拾公孫龍之餘唾自是人手一編知吾邑創造之艱難社會之良窳利弊之興革文野之區分皆能有判別之能力解決之方法豈非甚幸則此書之成又不僅闡幽發潛蔚爲一邑之信史已也若夫糾其刺謬補其闕遺則待有於後之君子焉此特畧具粉本免致同杞宋之無徵云爾

中華民國二十五年十一月梓楨氏蕭殿元謹識

## 榴江縣志序

處事首在精心成事尤憑毅力使徒具精心而無毅力以繼之則必因循委靡事必敗於垂成此大較然也榴江原隸永福距離寫遠民國建元後地方多故政府分設縣治以資鎮攝非得已也迄今縣治成立閱十有餘載規模粗具百凡待舉民二十一省府修輯省志通令各縣採訪地方人物各項呈報以爲省志張本而縣志尙付闕如民二十三適縣令姚公蒞任斯邑關心民瘼勤求政治他務未遑急急以縣志爲務其愛民無已之心概可想見爰命蕭君梓楨潘君波澄郭君文允及心等爲編輯員自愧學識淺薄屢辭弗獲遂與蕭潘郭諸君遠考遺編近徵父老互相考訂闕者補之畧者詳之閱數月而書告成雖不敢謂盡臻完善然使後之人覽是編得知輿地山川之廣人民物產之繁風土人情之異以及政治文化潛德幽光燦然在目則是書不無小補也是爲序

民國二十三年甲戌十一月一日唐本心謹序

## 榴江縣志序

事固由始以圖終地貴循名而求寔初建縣治尤木本水源也必灌溉其根而枝葉暢茂必浚深其泉而流派綿長必纂修其志徵究不誣理固然也榴江原名寨沙向隸永福由來舊矣祇因幅員廣漠道阻且長爲治者每有鞭長不及之嘆改立縣治迄今十有餘年歷任經六七縣令山川風俗土物民情依然如昨興利除弊僅粗具而尙欠完全幸姚公幹丞邑候昭平名士也簪纓世胄閥閱家聲捧檄斯土知縣治之新基展生平之抱負下車數月德政堪欽觀其築學校以培英才練壯丁以禦外侮修道路以便行人可見關心民瘼知無不爲爲無不盡者也而尤以修志爲第一要義夫山川之峻深道途之遐邇村落之多寡民情之僞誠凡一邑一鄉之地輿官績鄉賢者碩節孝暨形勢之沿革政事之興衰無不備載以褒揚之而表註之也苟置之不計誠恐代遠年湮不知創自何時分由何地將何以砥礪廉隅而培植風化耶故晉乘楚禱杭魯春秋其義竊取杞夏後宋殷後文獻不足其言無徵孔聖之言彰明效著是邑乘之有無關係良非淺鮮然姚公邑候獨殷殷然以纂修爲已任者良有已也矧榴邑地屬邊陲創縣未幾若味其先後之施暗於緩急之勢非善政之本也姚公洞鑒於斯本始所先末終所後行之有序而謀經久之策者非特當時與有榮施即後世咸沾其遺澤樂之興歌甘棠貽蔭何多讓焉竊以邑乘之修也必資偉才碩彥互爲贊勸豈孤陋寡聞所能勝任若鄙人學疎識謏添列膠庠不意政府迭次函邀委充編輯堅辭弗獲自揣一介寒儒何敢卻百里候之召不啻汗浹而速趨以應之於是坐肩輿而上棊堂就

職務而居末席經宿唐君性初乘汽車而至再宿蕭君梓貞郭君文允抱遺稿而來別類分門和衷共濟憑諸君之採訪筆不停批依父老之傳述墨無浪費僅月餘而初稿成書此其大畧也若夫潤澤之則在主任之邑候矣回憶在未立邑之前舉貢有人科第不墜至今立邑之後賢才倍出學校如林女織男耕里巷泯優遊之俗家絃戶誦群黎遵禮讓之風旣庶且繁富而加教拭目俟之伏思邑志之成也俾後之守斯土者展卷而觀感有由憑籍而措施咸宜永亨昇平之福同賡黼黻之休不難與永邑並駕齊驅矣又何有新舊之別野文之異也哉鄙人不文爰爲序其事於此

民國二十三年歲次甲戌季秋月重陽後八日編輯員前清附生潘繼海波澄謹撰

## 榴江縣志序

榴江設縣倡議於民元建議於民八迨民紀十三年經邑人再三聲請省政府俯順輿情設立榴江縣治俾與軍事上政治上地理上發生聯絡關係經營數載至民十四年間底於成其艱難締造之前因後果盡人皆知民二十一年地方人士以縣治創立不易不可不編成縣志以爲文獻考據於是遂有編輯縣志之發起旋以清鄉時期諸多阻滯訪輯兩事作而復輟二十三年夏四月昭平姚公幹丞來長是邦下車伊始即以興學育才爲先務尤以完成縣志爲職志於是召邑人而語之曰縣之有志乃縣之史跡於地方政治建設教育寔業諸大端關係至鉅願與諸公共同努力繼續編修以期早日完成諸君其勉之等語於是遂函聘鹿寨唐君本心永安潘君波澄與余爲初稿編輯員復敦聘原編輯主任蕭君梓楨總其成文允不敏忝列斯席竊以地方人情風俗向所熟悉用是竭其愚忱遠考遺篇近徵史寔博訪周諮勉隨諸長者之後本年三月初稿幸獲告成惟斯編遺漏闕缺在所不免庸知其能力之所以盡後之人其亦恢宏此緒增補缺遺是在後之人也文允郭懷榮序

# 榴江縣志

## 凡例

一榴江蕞爾小邑立縣未久人物典制足以供志材者無多本無編志之必要然省府二十三年度施政計劃列修志爲縣政工作之一且往蹟前聞風俗物產雖十室之邑亦必有所考索故特博訪窮搜削成一書借以作將來之粉本

一各編事蹟函託各鄉長搜羅儘量編入但爲期短促挂漏之處仍恐難免闕者諒之

一榴江縣境原屬永福下三區故往事前賢間由永福縣志採輯幸勿貽譏爭墩

二星野之說謬誤殊甚是編方位依據經緯度推算以求精密

一科舉時代之舉貢生員原屬愚人之裨政黃花明日不足以供採擷然在昔爲功令所溺學士文人趨之若鶩故特存其制以徵今昔掄才之殊


一榴江立縣在民國十三年是時政體已更故於城池學制壇廟寺觀祀典諸端概從闕如

一榴江草澤小邑地無名勝故寓公仙釋絕少棲止此項亦從其畧

一畸言脞說與夫旱潦災異原擬另列雜記一編特事實無多因併編入前事一門用以存其軼事而已

二藝文一編猥以詩詞雜列本不合於體裁然榴江僻處偏域文化落伍名人著述等於鳳毛麟角勢不能不一變成法彙萃詩文記序充數

一榴江係屬新立縣治編輯邑乘苦無樣本以資率循故是編門類蕪雜簡繁失當難免貽笑方家幸碩  
學鴻儒教而正之



# 編輯榴江縣志銜名

總纂

廣西省政府主席

協纂

榴江縣縣長

卸榴江縣長

全前

全前

編纂

榴江縣知事

編輯

前清恩貢

前清附生

邑紳

採訪

黃旭初

吳國經

唐文佐

王奇珍

姚幹丞

蕭殿元

唐本心

潘波澄

郭文允

前榴江縣知事

鄧秉廉

前榴江簡師教員

鄭炳基

前永福縣知事

何子章

前榴江小學教員

于宏懷

全前

胡景儒

全前

林廷珏

全前

鄧崇鼎

全前

蔣理詳

全前

鄧子修

全前

余爵軒

繪圖

榴江縣金庫主任

黃宗祐

# 榴江縣志目錄

卷一 序文 凡例 編者姓名 目錄

## 第一編 地理

輿圖 全圖 交通圖 物產圖 鄉鎮街市圖

沿革述畧 疆域述畧 方位述畧 地質述畧 面積述畧 地勢概況 氣候

山 附巖 川 附潭灘洲井 陂塘 關隘

## 第二編 社會

民族 姓氏 方言 附方音 風俗

職業團體 金蝠機關 慈善事業 工商概況 農業概況

## 第三編 經政

行政區劃及沿革 縣治等次



地方鄉鎮村街甲戶口人口統計表 地方組織新舊對照表 財務 廿五年度縣地方歲入

歲出計算書 地方公產一覽表 縣行政機關組織 民團組織 團防 團兵


鄉鎮村街哨所地點一覽表 四境交通



# 榴江縣交通圖



# 鹿寨鎮圖



## 鹿寨鎮市街圖

